



Broj: SuPK-00-1110/25-I
Brčko, 19.09.2025. godine

Z A P I S N I K
sa 272. sjednice Pravosudne komisije Brčko distrikta BiH
održane 19.09.2025. godine, u 08,30 sati sa slijedećim

Dnevni m red o m

1. Usvajanje zapisnika sa 271. redovne i 128. vanredne sjednice Pravosudne komisije Brčko distrikta BiH
2. Prijedlog Zakona o izmjenama i dopunama Zakona o parničnom postupku Brčko distrikta BiH
(izvjestilac: Vuk Lučić)
3. Prijedlog Zakona o vještacima u Brčko distriktu Bosne i Hercegovine
(izvjestilac: dr. sc. Robert Jović)
4. Razmatranje i usvajanje Izvještaja o radu Pravobranilaštva Brčko distrikta BiH za period od 01.01.2025.-30.06.2025. godine
(izvjestilac: Dejan Đurović)
5. Donošenje Odluke o učešću u organizaciji seminara za sudije i tužioce, na temu: „Korištenje Sky i Anom aplikacije kao dokaza u krivičnom postupku“
(izvjestilac: Rade Mitrović)
6. Donošenje odluke o organizaciji seminara za službenike i namještenike u pravosuđu Brčko distrikta BiH, na temu: „Sukob interesa (građanske i političke aktivnosti, postupanje sa poklonima i drugim koristima, zabrana korištenja ugleda, pozicije u pravosuđu i sticanje privatne koristi)“
(izvjestilac: Rade Mitrović)
7. Donošenje odluke o organizaciji seminara za službenike i namještenike u pravosuđu Brčko distrikta BiH, na teme: „Integritet i dolično ponašanje (ponašanje van institucije koje šteti ugledu građanske i političke aktivnosti, postupanje sa poklonima i drugim koristima, zabrana korištenja ugleda, pozicije u pravosuđu i sticanje privatne koristi)“
(izvjestilac: Rade Mitrović)
8. Donošenje odluke o izmjeni Odluke o imenovanju Stalne komisije za vršenje nadzora nad radom notara sa službenim sjedištem u Brčko distriktu BiH
(izvjestilac: Rade Mitrović)
9. Donošenje odluke o izmjeni Odluke o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH
(izvjestilac: Rade Mitrović)

10. Davanje saglasnosti na Odluku o izmjenama Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH
(izvjestilac: Rade Mitrović)
11. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH
(izvjestilac: Rade Mitrović)
12. Donošenje odluke o djelomičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-990/25-I od 15.08.2025. godine
(izvjestilac: Rade Mitrović)
13. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-990/25-I od 15.08.2025. godine
(izvjestilac: Rade Mitrović)
14. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-1006/25-I od 20.08.2025. godine
(izvjestilac: Rade Mitrović)
15. Rang lista sa preporukom za izbor referenta-operatera-asistenta u Osnovnom sudu Brčko distrikta BiH, na neodređeno vrijeme
(izvjestilac: Rade Mitrović)
16. Rang lista sa preporukom za izbor pripravnika u Osnovnom sudu Brčko distrikta BiH
(izvjestilac: Rade Mitrović)
17. Molba za pomilovanje osuđene S. B.
(izvjestilac: Rade Mitrović)
18. Usvajanje zaključnog izvještaja o obavljenom radu za opšte dobro na slobodi osuđenog A. J.
(izvjestilac: Rade Mitrović)
19. Razno

PRISUTNI SU:

1. SAFET PIZOVIĆ, predsjednik Komisije,
2. DRAGAN TOMAŠ, predsjednik Osnovnog suda Brčko distrikta BiH,
3. RADMILO IVANOVIĆ, v.d. glavnog tužioca u Tužilaštvu Brčko distrikta BiH,
4. MIRSAD ĆEMAN, predsjednik Ustavnog suda BiH,
5. DEJAN ĐUROVIĆ, pravobranilac u Pravobranilaštvu Brčko distrikta BiH,
6. IVAN LOVRIĆ, član Komisije iz reda građana,
7. MILIVOJE VASIĆ, član Komisije iz reda građana.

Sjednica počela u **08,30** sati.

Konstatuje se da sjednici prisustvuje sedam članova Komisije, od kojih član Mirsad Ćeman, predsjednik Ustavnog suda BiH, putem telefona, te da su članovi komisije, Damjan Kaurinović, predsjednik Apelacionog suda Brčko distrikta BiH, i Mehmed Bečić, član Komisije iz reda građana opravdano odsutni. Sjednici prisustvuje i sekretar Komisije, Rade Mitrović.

Predsjednik otvara 272. redovnu sjednicu Pravosudne komisije s predloženim dnevnim redom uz dopunu dnevnog reda na način da se iza predložene tačke 4. dodaje se nova tačka: 5. koja glasi: „Davanje saglasnosti na Pravilnik o izmjenama i dopuni Pravilnika o arhivskom poslovanju u Pravobranilaštvu BD BiH“, zatim, iza preložene tačke 10. dodaje se nova tačka koja glasi:

„Davanje saglasnosti na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Pravobranilaštva Brčko distrikta BiH za 2025. godinu“, zatim, iza predložene tačke 16. dodaju se dvije nove tačke koje glase: „Rang lista sa preporukom za izbor pripravnika u Pravobranilaštvu Brčko distrikta BiH“ i „Rang lista sa preporukom za izbor operater-asistenta za upravljanje privremeno oduzatom imovinom u Pravosudnoj komisiji Brčko distrikta BiH“ te se iza predložene tačke 17. dodaju se dvije nove tačke koje glase: „ Molba za pomilovanje osuđene H. H.“ i „Usvajanje zaključnog izvještaja o obavljenom radu za opšte dobro na slobodi osuđenog D. M.“.

Slijedom navedenih izmjena i dopuna tačka Razno postaje tačka broj 25.

Konstatuje se da je Komisija jednoglasno saglasna sa predloženim i dopunjenim dnevnim redom.

Prelazi se na prvu tačku dnevnog reda.

1. Usvajanje zapisnika sa 271. redovne i 128. vanredne sjednice Pravosudne komisije Brčko distrikta BiH

Konstatuje se da je Komisija jednoglasno usvojila zapisnik sa 271. redovne sjednice Pravosudne komisije Brčko distrikta BiH, i zapisnik sa 128. vanredne sjednice Pravosudne komisije Brčko distrikta BiH.

2. Prijedlog Zakona o izmjenama i dopunama Zakona o parničnom postupku Brčko distrikta BiH

Konstatuje se da je sjednici pristupio Vuk Lučić, sudija Apelacionog suda Brčko distrikta BiH, koji je izvjestilac po ovoj tački u 08,33 sati.

Nakon uvodnog izlaganja izvjestioca po ovoj tački, Vuka Lučića, sudije Apelacionog suda Brčko distrikta BiH, i provedene diskusije, konstatuje se da je Komisija jednoglasno utvrdila prijedlog Zakona o izmjenama i dopunama Zakona o parničnom postupku Brčko distrikta BiH u prvom čitanju.

Vuk Lučić, izvjestilac po predmetnoj tački je napustio sjednicu u 08,50 sati.

3. Prijedlog Zakona o vještacima u Brčko distriktu Bosne i Hercegovine

Konstatuje se da je sjednici pristupio dr. sc. Robert Jović, sudija Apelacionog suda Brčko distrikta BiH, koji je izvjestilac po ovoj tački u 08,51 sati.

Nakon uvodnog izlaganja izvjestioca po ovoj tački, dr. sc. Robert Jović, sudije Apelacionog suda Brčko distrikta BiH, i provedene diskusije, konstatuje se da je Komisija jednoglasno utvrdila prijedlog Zakona o vještacima u Brčko distriktu Bosne i Hercegovine u prvom čitanju.

Dr. sc. Robert Jović, izvjestilac po predmetnoj tački je napustio sjednicu u 09,05 sati.

4. Razmatranje i usvajanje Izvještaja o radu Pravobranilaštva Brčko distrikta BiH za period od 01.01.2025.-30.06.2025. godine

Pravobranilac Pravobranilaštva Brčko distrikta BiH, Dejan Đurović, obrazložio je Izvještaj o radu Pravobranilaštva BD BiH za period od 01.01.2025. godine do 30.06.2025. godine.

Nakon toga se konstatuje da je Izvještaj o radu Pravobranilaštva BD BiH za period od 01.01.2025. godine do 30.06.2025. godine usvojen jednoglasno, bez primjedbi.

5. Davanje saglasnosti na Pravilnik o izmjenama i dopuni Pravilnika o arhivskom poslovanju u Pravobranilaštvu BD BiH

Nakon obrazloženja, konstatuje se da je Komisija jednoglasno donijela sljedeću

Odluku

Daje se saglasnost na Pravilnik o izmjenama i dopuni Pravilnika o arhivskom poslovanju u Pravobranilaštvu Brčko distrikta BiH, broj: PB-119/25 od 17.09.2025. godine.

6. Donošenje Odluke o učešću u organizaciji seminara za sudije i tužioce, na temu: „Korištenje Sky i Anom aplikacije kao dokaza u krivičnom postupku“

Nakon obrazloženja, konstatuje se da je Komisija jednoglasno donijela sljedeću

Odluku

kojom Pravosudna komisija Brčko distrikta BiH, u saradnji sa Centrom za edukaciju sudija i tužilaca Federacije BiH i Centrom za edukaciju sudija i tužilaca Republike Srpske, uzima učešće u organizaciji seminara na temu „Korištenje Sky i Anom aplikacije kao dokaza u krivičnom postupku“, koji će biti održan 27.10.2025. godine u sali za edukaciju Pravosudne komisije Brčko distrikta BiH.

Za edukatora se imenuju g. Džermin Pašić, zamjenik glavnog tužioca Tužilaštva BiH.

Edukatori imaju obavezu da učestvuju u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuju praktični dio obuke, da pripreme i dostave određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnesu izvještaj o evaluaciji seminara sa zaključcima seminara u roku od 8 dana od dana završetka seminara i da podnesu obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbijediti tehničku podršku i uslove za održavanje seminara, kao i učešće službenika Pravosudne komisije koji će edukatorima pomoći u vršenju njihovih dužnosti i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove naknade za rad edukatora o čemu će se donijeti posebna odluka, troškove osvježenja i troškove ručka za učesnike seminara.

7. Donošenje odluke o organizaciji seminara za službenike i namještenike u pravosuđu Brčko distrikta BiH, na temu: „Sukob interesa (građanske i političke aktivnosti, postupanje sa poklonima i drugim koristima, zabrana korištenja ugleda, pozicije u pravosuđu i sticanje privatne koristi)“

Nakon obrazloženja, konstatuje se da je Komisija jednoglasno donijela sljedeću

Odluku

Pravosudna komisija Brčko distrikta BiH organizuje seminar na temu: „*Sukob interesa (građanske i političke aktivnosti, postupanje sa poklonima i drugim koristima zabrana korištenja ugleda, pozicije u pravosuđu i sticanje privatne koristi)*“, za službenike i namještenike u

pravosuđu Brčko distrikta BiH, koji će se održati dana 20.10.2025.godine, u sali za edukaciju Pravosudne komisije Brčko distrikta BiH.

Za edukatora na seminaru imenuje se g. Mersudin Pružan, sudija Vrhovnog suda u Federaciji Bosne i Hercegovine.

Edukator ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

8. Donošenje odluke o organizaciji seminara za službenike i namještenike u pravosuđu Brčko distrikta BiH, na teme: „Integritet i dolično ponašanje (ponašanje van institucije koje šteti ugledu pravosuđa, odijevanje, predstavljanje zabrana mobinga i uznemiravanje, odnosi sa strankama i drugim zaposlenicima)“

Nakon obrazloženja i izmjene naziva tačke odnosno naziva seminara usljed tehničke greške, konstatuje se da je Komisija jednoglasno donijela sljedeću

Odluku

Pravosudna komisija Brčko distrikta BiH organizuje seminar na temu: „Integritet i dolično ponašanje (ponašanje van institucije koje šteti ugledu pravosuđa, odijevanje, predstavljanje zabrana mobinga i uznemiravanje, odnosi sa strankama i drugim zaposlenicima)“ za službenike i namještenike u pravosuđu Brčko distrikta BiH, koji će se održati 08.10.2025. godine u sali za edukaciju Pravosudne komisije Brčko distrikta BiH.

Za edukatora na seminaru imenuje se Nermin Kadribašić, magistar kriminalistike, ekspert u programima vladavine prava, integriteta i borbe protiv korupcije.

Edukator ima obavezu da učestvuje u pripremi, kreiranju i sastavljanju dnevnog reda seminara najkasnije 15 dana prije održavanja seminara, da organizuje praktični dio obuke, da pripremi i dostavi određenu temu u formi elektronskog materijala pripremljenog za korištenje u

procesu edukacije najkasnije 15 dana prije održavanja seminara, da podnese izvještaj o evaluaciji seminara sa zaključcima seminara u roku od 8 dana od dana završetka seminara i da podnese obračun troškova edukacije uz prilaganje originalnih dokaza i dokumenata u roku od 8 dana od dana završetka seminara.

Pravosudna komisija će obezbjediti tehničku podršku i uslove za održavanje seminara, kao i učešće službenika Pravosudne komisije koji će pomoći edukatoru u vršenju njegove dužnosti i sačinjavanju izvještaja i koji će obavljati ostale poslove koji su od značaja za uspješnu realizaciju seminara.

Pravosudna komisija Brčko distrikta BiH će snositi troškove organizacije seminara, troškove naknade imenovanom edukatoru i troškove prevoza, o čemu će se donijeti posebna odluka.

9. Donošenje odluke o izmjeni Odluke o imenovanju Stalne komisije za vršenje nadzora nad radom notara sa službenim sjedištem u Brčko distriktu BiH

Nakon obrazloženja i provedene diskusije, konstatuje se da je Komisija jednoglasno donijela sljedeću

Odluku

o izmjeni odluke o imenovanju Stalne komisije za vršenje nadzora nad radom notara sa službenim sjedištem u Brčko distriktu Bosne i Hercegovine

Član 1

Član 1 mijenja se i glasi:

1. Safet Pizović, predsjednik Pravosudne komisije, predsjednik,
2. Rade Mitrović, sekretar Pravosudne komisije, član,
3. Željko Lozić, šef finansija pravosuđa, član,
4. Jasmin Suljić, sekretar Tužilaštva Brčko distrikta BiH, član,
5. Smajila Kikić, sekretar Osnovnog i Apelacionog suda Brčko distrikta BiH, član,
6. Olja Klačnić, stručni saradnik za pravne poslove i evropske integracije u Pravosudnoj komisiji, član.

Član 2

U preostalom dijelu Odluka ostaje nepromijenjena.

Član 3

Ova Odluka stupa na snagu danom donošenja.

10. Donošenje odluke o izmjeni Odluke o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH

Nakon obrazloženja i provedene diskusije, konstatuje se da je Komisija jednoglasno donijela sljedeću

Odluku

o izmjeni Odluke o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH broj: SuPK-01-1927/24-I od 20.09.2024. godine

Član 1.

U Odluci o imenovanju disciplinske komisije za sprovođenje disciplinskih postupaka protiv službenika i namještenika u pravosuđu Brčko distrikta BiH broj: SuPK-01-1927/24-I od 20.09.2024. godine u članu I tačka 5. mijenja se i glasi:

„5. Dejan Nišić, advokat u Kancelariji za pravnu pomoć, član“

Član 2.

Ova odluka stupa na snagu danom donošenja.

11. Davanje saglasnosti na Odluku o izmjenama Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

Odluku

Pravosudna komisija Brčko distrikta BiH daje saglasnost na prijedlog Odluke o izmjeni Odluke o imenovanju Komisije za odabiranje arhivske građe i izlučivanje bezvrijednog registraturskog materijala u Osnovnom sudu Brčko distrikta BiH od 02.09.2025. godine.

12. Davanje saglasnosti na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Pravobranilaštva Brčko distrikta BiH za 2025. godinu

Nakon obrazloženja, konstatuje se da je Komisija jednoglasno donijela sljedeću

Odluku

Pravosudna komisija Brčko distrikta BiH daje saglasnost na Odluku o imenovanju Komisije za odabiranje arhivske građe i izlučivanje bezvrijednog registraturskog materijala Pravobranilaštva Brčko distrikta BiH za 2025. godinu, za rad van radnog vremena.

13. Donošenje odluke o raspisivanju javnog konkursa za popunjavanje upražnjenih radnih mjesta u pravosuđu Brčko distrikta BiH

Nakon obrazloženja, konstatuje se da je Komisija jednoglasno donijela sljedeću

**Odluku o raspisivanju
javnog konkursa za popunjavanje upražnjenih radnih mjesta
u pravosuđu Brčko distrikta BiH**

1. Sudski policajac u Sudskoj policiji Brčko distrikta BiH (na neodređeno vrijeme)..... 7 (sedam) izvršioca
2. Pripravnik u Kancelariji za pravnu pomoć Brčko distrikta BiH, na određeno vrijeme, do sticanja uslova za polaganje pravosudnog ispita, ali ne duže od dvije godine.....1 (jedan) izvršilac

Prijave na konkurs podnose se od 24.09.2025. godine do 08.10.2025. godine.

14. Donošenje odluke o djelimičnom poništenju javnog konkursa za popunjavanje upražnjenih radnih mjesta u pravosuđu Brčko distrikta BiH broj: SuPK-01-990/25-I od 15.08.2025. godine

Nakon obrazloženja, konstatuje se da je Komisija jednoglasno donijela sljedeću

Odluku
o djelimičnom poništenju javnog konkursa broj: SuPK-01-990/25-I od 15.08.2025. godine

Član 1.

Djelimično se poništava javni konkurs za popunjavanje upražnjenih radnih mjesta u pravosuđu Brčko distrikta BiH broj: SuPK-01-990/25-I od 15.08.2025. godine, raspisan od strane Pravosudne komisije Brčko distrikta BiH, u dijelu koji se odnosi na poziciju:

1. Sudski policajac u Sudskoj policiji Brčko distrikta BiH
(na neodređeno vrijeme) 7 (sedam) izvršioca.

Član 2.

Javni konkurs za poziciju iz člana 1. ove Odluke, djelimično se poništava iz razloga što nema prijavljenih kandidata propisano članom 35. stav (1) tačka a) Zakona o službenicima i namještenicima u pravosuđu Brčko distrikta BiH.

Član 3.

Ova Odluka stupa na snagu danom donošenja i bit će objavljena na internet stranici Pravosudne komisije i oglasnim tablama pravosudnih institucija Brčko distrikta BiH.

15. Donošenje odluke o imenovanju Komisija za zapošljavanje po raspisanom javnom konkursu broj: SuPK-01-990/25-I od 15.08.2025. godine

Nakon obrazloženja i provedene diskusije, konstatuje se da je Komisija jednoglasno donijela sljedeću

Odluku
o imenovanju komisija za zapošljavanje po javnom konkursu broj:
SuPK-01-990/25-I od 15.08.2025. godine

I Imenuje se Komisija za zapošljavanje diplomiranog pravnika u zemljišno-knjižnom uredu u Osnovnom sudu Brčko distrikta BiH, (na neodređeno vrijeme), u sastavu tri člana:

1. Mirela Azapović, predsjednik,
2. Smajila Kikić, član,
3. Zoran Rakanović, član.

16. Donošenje odluke o imenovanju Komisija za zapošljavanje po raspisanom Javnom konkursu broj: SuPK-01-1006/25-I od 20.08.2025. godine

Nakon obrazloženja i provedene diskusije, konstatuje se da je Komisija jednoglasno donijela sljedeću

Odluku
o imenovanju komisija za zapošljavanje po javnom konkursu broj:
SuPK-01-1006/25-I od 20.08.2025. godine

Imenuje se komisija za zapošljavanje referenta za upravljanje predmetima u Osnovnom sudu Brčko distrikta BiH (na neodređeno vrijeme), u sastavu tri člana:

1. Smajila Kikić, predsjednik,
2. Zoran Rakonović, član,
3. Stanislava Kikić, član.

17. Rang lista sa preporukom za izbor referenta-operatera-asistenta u Osnovnom sudu Brčko distrikta BiH, na neodređeno vrijeme

Konstatuje se da je Pravosudna komisija primjenom odredbe člana 38. stav (3) Zakona o službenicima i namještenicima u pravosuđu Brčko distrikta BiH, odnosno odredbe člana 20. Statuta Brčko distrikta BiH izabrala drugorangiranog kandidata sa liste Anu Grgić (po nacionalnosti Hrvat), obzirom da se na taj način u skladu sa zakonskim i statutarnim odredbama, prilikom izbora kandidata u pravosuđu vodi računa o sastavu stanovništva u pogledu zapošljavanja. Imenovana je ostvarila ukupan broj bodova 239,7.

18. Rang lista sa preporukom za izbor pripravnika u Osnovnom sudu Brčko distrikta BiH

Konstatuje se da je Pravosudna komisija jednoglasno potvrdila Rang listu sa preporukom za izbor pripravnika u Osnovnom sudu Brčko distrikta BiH, u kojoj je Lejla Softić, Bošnjak, prvorangirani kandidat, sa zbirnom ocjenom 249,18.

19. Rang lista sa preporukom za izbor pripravnika u Pravobranilaštvu Brčko distrikta BiH

Konstatuje se da je Pravosudna komisija jednoglasno potvrdila Rang listu sa preporukom za izbor pripravnika u Pravobranilaštvu Brčko distrikta BiH, u kojoj je Valentina Halilović, Hrvat, prvorangirani kandidat, sa zbirnom ocjenom 248,1.

20. Rang lista sa preporukom za izbor operater-asistenta za upravljanje privremeno oduztom imovinom u Pravosudnoj komisiji Brčko distrikta BiH

Konstatuje se da je Pravosudna komisija jednoglasno potvrdila Rang listu sa preporukom za izbor operater-asistenta za upravljanje privremeno oduztom imovinom u Pravosudnoj komisiji Brčko distrikta BiH, u kojoj je Benjamin Junuzović, Bošnjak, prvorangirani kandidat, sa zbirnom ocjenom 279.

21. Molba za pomilovanje osuđene S. B.

Nakon obrazloženja i provedne diskusije, Komisija jednoglasno daje prijedlog gradonačelniku Brčko distrikta BiH da se osuđena S. B. pomiluje brisanjem osude.

22. Molba za pomilovanje osuđene H. H.

Nakon obrazloženja i provedne diskusije, Komisija jednoglasno daje prijedlog gradonačelniku Brčko distrikta BiH da se molba za pomilovanje osuđene H. H. ne usvoji.

23. Usvajanje zaključnog izvještaja o obavljenom radu za opšte dobro na slobodi osuđenog D. M.

Konstatuje se da je Komisija jednoglasno usvojila zaključni izvještaj o obavljenom radu za opšte dobro na slobodi za osuđenog D. M.

24. Usvajanje zaključnog izvještaja o obavljenom radu za opšte dobro na slobodi osuđenog A. J.

Konstatuje se da je Komisija jednoglasno usvojila zaključni izvještaj o obavljenom radu za opšte dobro na slobodi za osuđenog A. J.

25. Razno

Sekretar je upoznao članove Komisije da je u skupštinskoj proceduri Zakon o izmjeni i dopunama zakona o Sudskoj policiji Brčko distrikta BiH, koji će uvršten na dnevni red sjednice Skupštine Brčko distrikta BiH koja se održava 23.09.2025. godine.

Takođe, sekretar je istakao da nacrt Zakona o izmjeni i dopuni zakona o platama i naknadama zaposlenih u pravosuđu Brčko distrikta BiH još nije uvršten na dnevni red sjednice Skupštine Brčko distrikta BiH, iako je protekao period od godinu dana od slanja istoga u skupštinsku proceduru, te dva mjeseca od slanja urgencije po istom.

Sekretar je upoznao članove da je Zakon o slobodi pristupa informacijama Distrikta u prvom čitanju usvojen.

Kako se niko nije javio za riječ, konstatuje se da je 272. redovna sjednica Komisije završena u 09,54 sati.

Zapisnik vodila
Nataša Kovač

Predsjednik
Pravosudne komisije

Safet Pizović